



# श्री चण्डसरण, आनर पञ्चखाण, ञक्तपरिज्ञा संथारग.

चार पयन्नानो संग्रह.

संवत् १९८०  
संवत् १९८०

छपायी प्रसिद्ध करनार

श्री जैनधर्मप्रसारक सभा.

संवत् १९८०

भारतनगर.

वीर सवत् २४१०

आवृत्ति १ जी

भावनगर-पि ' आनद प्रीन्दीग मेस ' में शा गुलाबचंद सल्लुयाइने प्रसिद्ध करनारके लीये छापी.

આ ચાર પયન્નાઓ શ્રી મહાવીર ભગવંતના હસ્તદીક્ષિત શિષ્ય શ્રી વીરભદ્રશ્રુનિના કરેલા છે. તે ખાસ બહાર પાઢવાનો હેતુ એ છે કે-આ ચાર પયન્નાઓ ભણવા વાંચવાની શ્રાવકને પણ આજ્ઞા છે; પરંતુ તે ભણવાની યોગ્યતા મેલવવા માટે પ્રથમ ત્રણ ત્રણ આંબિલના યોગ કરવા પડે છે. તેની વિશેષ વિધિ ગુરુગમથી જાણવા યોગ્ય છે. આવો સૂત્ર વાંચવા ભણવાનો હક જે શ્રાવક માફ્ઓ મેલવે તેને પઠન પાઠન કરવાને ઉપયોગી થાય તેટલા માટે આ ચાર પયન્ના શુદ્ધ કરાવીને પાઠાંતર સહિત છપાવ્યા છે. એ કાર્યમાટે પ્રયાસ લેનાર શ્રુનિરાજનો આભાર માનીએ છીએ.

આ ચાર પયન્ના ઉપર મોટી ટીકાઓ નથી. ચડસરણ પયન્ના ઉપર લઘુટીકા છે. પ્રથમના બે પયન્નાઓ સંસ્કૃત છાયા અને ગુજરાતી અર્થ સાથે અમદાવાદમાં છપાયા પણ છે. ચારે પયન્નાઓનો અર્થ ગુરુગમથી જાણવા યોગ્ય છે. ૪૫ આગમમાં ૧૦ પયન્ના ગણવામાં આવે છે. તે પૈકી આ ચાર પયન્નાઓ છે. શ્રીમહાવીર ભગવંતના હસ્તદીક્ષિત ૧૪૦૦૦ શ્રુનિઓએ ૧૪૦૦૦ પયન્નાઓ (પ્રકીર્ણ સૂત્રો) રચેલા છે. તેમાંથી હાલ માત્ર વીશેક પયન્નાઓ મલી શકે છે. એમાંથી એક જાતિના અધિકારને લઈને દશ પયન્નાઓ ૪૫ આગમમાં ગણવામાં આવે છે. આ ચારે પયન્ના અંત સમયની આરાધનાના અધિકારવાળા છે. ભવનો પર્યંત ભાગ સુધારવા અને આગલા ભવમાં સદ્ગતિ મેલવવા માટે ખાસ ઉપયોગી છે. દરરોજ પાઠ કરવા લાયક છે.

આ પયન્નાઓ છપાવવામાં ભાવનગરનિવાસી શેઠ નાનચંદ આનંદજીની પુત્રી બેનં અજવાલીએ પૂરતી દ્રવ્યસહાય આપેલી છે. તેથી કોઈ પણ શ્રુનિ મહારાજને, સાધ્વીઓને, જૈનશાલા, પાઠશાલા, કન્યાશાલા, શ્રાવિકાશાલા વિગેરેને મેટ તરીકે આપવામાં આવનાર છે. જૈન લાયબેરીઓ તેમજ પ્રસ્તકાલયોમાં પણ મેટ તરીકે આપવાના છે. “શ્રી જૈનધર્મપ્રસારક સભા-ભાવનગર.”

श्री  
॥ ॐ श्री बुधिसुव्रताय नमो नमः ॥ ॐ श्री सिद्धापलाय नमो नमः ॥ ॐ नमो गुरुभ्यः ॥

॥ १ ॥ चउसरण ॥

॥ सावज्जजोगविरई, उक्कित्तण गुणवओ अ पडिवत्ती । खलियस्स निंदणा वण-तिगिच्छ गुणधारणा  
चेव ॥ १ ॥ चारित्तस्स विसोही, कीरइ सामाइएण किल इहयं । सावज्जेयरजोगाण, वज्जणासे-  
वणत्तणओ ॥ २ ॥ दंसणयारविसोही, चउवीसायत्यएण किंच्चइ य । अच्चन्नुअगुणकित्तण-रूवेणं जिण-  
वरिदाणं ॥ ३ ॥ नाणाइआ उ गुणा, तस्संपन्नपडिवत्तिकरणाओ । वंदणाएण विहिणा, कीरइ सोही  
उ तेसिं तु ॥ ४ ॥ खल्लिअस्स य तेसि पुणो, विहिणा जं निंदणाइ पडिकमण । तेण पडिकमणोयं,  
तेसिंपि य कीरए सोही ॥ ५ ॥ चरणाइयाइयाण, जहक्कमं वणतिगिच्छरूवेणं । पडिकमणासुआणं,  
सोही तह काउस्सगणेण ॥ ६ ॥ गुणधारणरूवेणं पच्चस्काणेण तवइआरस्स । विरिआयारस्स पुणो,  
सव्वेहि वि कीरए सोही ॥ ७ ॥ गयवसहसीहअभिसेअ-दामससिदिथयरं झयं कुमं । पउमसरसा-  
गरविमाण-भवणारयणुच्चयसिहिं च ॥ ८ ॥ अमरिंदनरिंदमुणिंद-वदियं वदिउं महावीरं । कुसलाणु-

बंधिबंधुर-मज्झयणं किञ्चिदस्सामि ॥ ६ ॥ चउसरणगमण दुक्कड-गरिहा सुकडाणुमोयणा चेव । एस  
 गणो अणवरयं, कायव्वो कुसलहेउत्ति ॥ १० ॥ अरिहंतसिद्धसाहू, केवलिकहिओ सुहावहो धम्मो ।  
 एए चउरो चउगइ-हरणा सरणं लहइ धन्नो ॥ ११ ॥ अहसो जिण भत्तिभर-च्छरंतरोमंचकंचुअकरालो ।  
 पहरिसपणउम्मीसं, सीसंमि कयंजली भणइ ॥ १२ ॥ रागदोसारीणं, हंता कम्मठगाइअरिहंता ।  
 विसयकसायारीणं, अरिहंता हुंतु मे सरणं ॥ १३ ॥ रायसिरिमवकसित्ता, तवचरणं दुच्चरं अणु-  
 चरित्ता । केवलसिरिमरहंता, अरिहंता हुंतु मे सरणं ॥ १४ ॥ थुइवंदणमरहंता, अमरिंदनरिंदपूअ-  
 मरहंता । सासयसुहमरहंता, अरिहंता हुंतु मे सरणं ॥ १५ ॥ परमणगयं सुणंता, जोइंदमहिंदझा-  
 णमरहंता । धम्मकहं अरहंता, अरिहंता हुंतु मे सरणं ॥ १६ ॥ सव्वजिआणमहिंसं, अरहंता  
 सच्चवयणमरहंता । बंभवयमरहंता, अरिहंता हुंतु मे सरणं ॥ १७ ॥ ओसरणमवसरित्ता, चउतीसं  
 अइसए निसेवित्ता । धम्मकहं च कंहंता, अरिहंता हुंतु मे सरणं ॥ १८ ॥ एगाइ गिराणेगे, संवेहे  
 देहिणं समं छित्ता । तिहुअणमणुसासंता, अरिहंता हुंतु मे सरणं ॥ १९ ॥ वयणामएण भुवणं,

१ भरुच्छरंत. २ कहिणा.

निव्वावंता गुणेषु ठावता । जिबलोअमुद्धरता, अरिहता हुतु मे सरण ॥ २० ॥ अच्चब्बुअगुणावते,  
 नियजससहरपेसाहिअदिअते । निययमणाइअणते, पडिबब्बो सरणमरिहते ॥ २१ ॥ उज्जिम्य-  
 जरमरणाण, समच्चदुक्कत्तत्तसरणाणं । तिहुअणजणसुहयाण, अरिहंताण नमो ताण ॥ २२ ॥  
 अरिहतसरणमलसुद्धि-लद्धसुविसुद्धिसिद्धवहुमाणो । पणयसिरइयकरकमल-सेहरो सहरिसं भणइ  
 ॥ २३ ॥ कम्महुक्कय सिद्धा, साहाविअनाणदसणसमिद्धा । सव्वट्ठलद्धिसिद्धा, ते सिद्धा हुंतु मे स-  
 रण ॥ २४ ॥ तिअलोअमस्थयत्था, परमपयत्था अर्चितसामत्था । मगलसिद्धपयत्था, सिद्धा सरण सुहप-  
 सत्था ॥ २५ ॥ मूलंक्कयपडिबक्का, अमूढलक्का सजोगिपच्चक्का । साहाविअत्तसुक्का, सिद्धा सरण  
 परमसुक्का ॥ २६ ॥ पडियिष्टिअपडिणीआ, समग्गझाणग्गिदट्ठभववीआ । जोईसरसरणीआ, सिद्धा  
 सरण समरणीया ॥ २७ ॥ पाविअपरमाणंदा, गुणंतीसदा विंदिन्नभवक्का । लहुईक्करविचंदा, सिद्धा  
 सरण खविअदवा ॥ २८ ॥ उवत्तद्धपरमवभा, दुल्लहलभा विसुक्कसंरभा । सुवणधरणखभा, सिद्धा  
 सरण निरारंभा ॥ २९ ॥ सिद्धसरणेण नयव-भंहेउसाहुगुणजणिअअणुराओ । मेइणिमिलंतसुपसत्थ-

मत्थओ तत्थिमं भणइ ॥ ३० ॥ जिअलोअबंधुणो, कुगइसिंधुणो पारगा महाभागा । नाणाइएहिं सि-  
 वसुक्क-साहुणो साहुणो सरणं ॥ ३१ ॥ केवलिणो परमोही, विउलमई सुअहरा जिणमयंमि । आ-  
 यरियउवज्जाया, ते सब्बे साहुणो सरणं ॥ ३२ ॥ चउदसदसनवपुब्बी, दुवालसिक्कारसंगिणो जे अ ।  
 जिणकप्पाहालंदिअ, परिहारविसुंद्धिसाहू अ ॥ ३३ ॥ खीरासवमहुआसव, संभिन्नसोअकुष्ठबुद्धी  
 अ । चारणवेउव्विपया-णुसारिणो साहुणो सरणं ॥ ३४ ॥ उज्झयवइरविरोहा, निच्चमदोहा पसंतमु-  
 हसोहा । अभिमयगुणसंदोहा, हयमोहा साहुणो सरणं ॥ ३५ ॥ खंडिअसिणेहदामा, अकामधामा  
 निकामसुहकामा । सुपुरिसमणाभिरामा, आयारामा मुणी सरणं ॥ ३६ ॥ मिलिअविसयकसाया,  
 उज्झिअघरघरिणिसंगमुहसाया । अकलिअहरिसविसाया, साहू सरणं गयपमाया ॥ ३७ ॥ हिंसाइ-  
 दोससुन्ना, कयकारुन्ना संयंभुरुपंन्ना । अजरामरपहखुन्ना, साहू सरणं सुकयपुन्ना ॥ ३८ ॥ काम-  
 विडंबणचुक्का, कलिमलमुक्का विमुक्कचोरिक्का । पावरयसुरयरिक्का, साहुगुणरणचिच्चिक्का ॥ ३९ ॥  
 साहुत्तसुट्ठिआ जं, आयरियाई तओ अ ते साहू । साहुभणिणएण गहिआ, तम्हा ते साहुणो सरणं

॥ ४० ॥ पडिवन्नसाहसरायो, सरणं काउं पुणोवि जिणधम्मं । पहरिसरोमंचपव-चकंचुअधिअतणू  
 भणइ ॥ ४१ ॥ पवरसुकपहि पत्तं, पत्तेहिवि नवरि केहिवि न पत्त । तं केवलपिण्णत्तं, धम्मं सरणं  
 पवन्नोह ॥ ४२ ॥ पत्तेण अपत्तेण य, पत्तायि य जेण नरसुरसुहाइं । सुखसुह पुण पत्तेण, नवरि  
 धम्मो स मे सरणं ॥ ४३ ॥ निदल्लिअकल्लुसकम्मो, कयसुहजम्मो खलीकयअहम्मो । पमुहपरिणा-  
 मरम्मो, सरण मे होउ जिणधम्मो ॥ ४४ ॥ कालत्तयवि न मयं, जम्मणजरमरणवाहिसयसमय ।  
 अमयं व बहुमयं जिण-मय च सरणं पवन्नोहं ॥ ४५ ॥ पसमिअकामपसोह, दिट्ठादिट्ठसु न कलिय  
 विरोह । सिवसुहफलममोहं, धम्म सरणं पवन्नोहं ॥ ४६ ॥ नरयगइगमणरोह, गुणसंदोह पवा-  
 इनिस्कोह । निहणियवम्महजोहं, धम्मं सरण पवन्नोह ॥ ४७ ॥ भासुरसुवन्नसुदर-रयणालंकारगार-  
 वमहगघ । निहिमिव वोगच्चहर, धम्मं जिणदेसिअ वदे ॥ ४८ ॥ चउत्तरणगमणसचिअ-सुचरिअ-  
 रोमंचअंचिअसरीरो । कयदुक्कडगरिहंअसुह-कम्मसंयकखिरो भणइ ॥ ४९ ॥ इहभविअमन्नभ-  
 विअं, मिच्छत्तपवत्तणं जमहिगरणं । जिणपवयणपडिकुठ, दुठं गरिहामि तं पावं ॥ ५० ॥ मिच्छत्त-



तमंधेणं, अरिहंताइसु अवन्नवयणं जं । अन्नाणेण विरइअं, इन्हि गरिहामि तं पावं ॥ ५१ ॥ सुअ-  
 धम्मसंघसाहुसु, पावं पडिणीअयाइ जं रइअं । अन्नेसु अ पावेसुं, इन्हि गरिहामि तं पावं ॥ ५२ ॥  
 अन्नेसु अ जीवेसुं, मित्तीकरुणाइगोअरेसु कयं । परिआवणाइ दुक्कं, इन्हि गरिहामि तं पावं ॥ ५३ ॥  
 जं मणवयकाएहिं, कयकारिअअणुमईहिं आयरिअं । धम्मविरुद्धमसुद्धं, सबवं गरिहामि तं पावं ॥ ५४ ॥  
 अह सो दुक्कडगरिहा—दलिउद्धडुद्धडो फुडं भणइ । सुकडाणुरायसमुइन्न—पुन्नपुलयंकुरकरालो ॥ ५५ ॥  
 अरिहंतं अरिहंतेसु, जं च सिद्धत्तणं च सिद्धेसु । आयारं आयरिए, उवज्जायत्तं उवज्जाए ॥ ५६ ॥  
 साहूण साहुचरिअं, देसविरइं च सावयजणाणं । अणुमन्ने सब्वंसिं, सम्मत्तं सम्मदिट्ठीणं ॥ ५७ ॥  
 अहवा सब्वं चिय वीअ—रायवयणाणुसारि जं सुक्कडं । कालत्तएवि तिविहं, अणुमोएमो तयं सब्वं ॥ ५८ ॥  
 सुहपरिणामो निच्चं, चउसरणगमाइ आयरं जीवो । कुसलपयडीउ वंधइ, वद्धाउ सुहाणुबंधाउ  
 ॥ ५९ ॥ मंदणुभावा वद्धा, तिब्बणुभावाउ कुणइ ता चेव । असुहाउ निरणुबंधाउ, कुणइ तिब्वाउ  
 मंदाओ ॥ ६० ॥ ता एयं कायव्वं, बुहेहि निच्चंपि संकिलेसंमि । होइ तिकालं सम्मं, असंकिलेसंमि

१ अरिहंतं ? २ एसु उज्जायत्तं, सुज्जायत्तं ?

सुक्यफलं ॥ ६१ ॥ चउरगो जिणधम्मो, न कओ चउरंगसरणमवि न कय । चउरगभवंछेओ, न कओ  
हा हारिओ जम्मो ॥ ६२ ॥ इय जीवयमायमहारि, वीरभत्तमेयमज्जयणं । माएहु तिससमवंस-  
कारणं निब्बुइसुहाण ॥ ६३ ॥

॥ इय चउसरणपइअय समत्त ॥



## २ आउर पञ्चवस्त्राणां

देसिक्कदेसविरओ, सम्मदिठ्ठी मरिज जो जीवो । तं होइ बालपंडिय—मरणं जिणसासणे भणियं  
 ॥१॥ पंच य अणुव्वयाइं, सत्त उ सिक्काउ देसजइधम्मो । सव्वेण व देसेण व, तेण जुओ होइ देसजई  
 ॥२॥ पाणवहमुसावाए, अदत्तपरदारनियमणेहिं च । अपरिमिइच्छाओवि य, अणुव्वयाइं विरमणाइं ॥३॥  
 जं च दिसावेरमणं, अणत्थदंडाओ जं च वेरमणं । देसावगासियंपि य, गुणव्वयाइं भवे ताइं ॥४॥  
 भोगाणं परिसंखा, सामाइय अतिहिसंविभागो य । पोसहविही उ सव्वो, चउरो सिक्काउ वुत्ताओ ॥५॥  
 आसुक्कारे मरणे, अच्चिन्नाए य जीवियासाए । नाएहि वा अमुक्को, पच्चिमसंलेहणमकिच्चा ॥ ६ ॥  
 आलोइय निस्सल्लो, सघरे चेवारुहित्तु संधारं । जइ मरइ देसविरओ, तं वुत्तं बालपंडियं ॥ ७ ॥  
 जो भत्तपरिन्नाए, उवक्कमो वित्थरेण निदिठ्ठो । सो चेव बालपंडिय—मरणे नेओ जहाजुगं ॥ ८ ॥  
 वेमाणिएसु कप्पो—वगेसु नियमेण तस्स उववाओ । नियमा सिज्झइ उक्को—सएण सो सत्तमंमि भवे ॥९॥  
 इय बालपंडियं होइ, मरणमरिहतंसासणे दिठ्ठं । इत्तो पंडियपंडिय—मरणं वुच्छं समासेणं ॥ १० ॥  
 इच्छामि भंते उत्तमहं पडिक्कमामि । अइयं पडिक्कमामि । अयागयं पडिक्कमामि । पञ्चुप्पन्नं पडि-

कमामि । कयं पडिक्कमामि । कारिय पडिक्कमामि । अणुमोइय पडिक्कमामि । मिच्छत्त पडिक्कमामि ।  
असंजम पडिक्कमामि । कसायं पडिक्कमामि । पावपओग पडिक्कमामि । मिच्छादसणपरियामेसु वा ।  
इहलोगेसु वा । परलोगेसु वा । सच्चिसेसु वा । अत्तिसेसु वा । पचसु इदियत्थेसु वा । अन्नायंद्वाणे  
॥ १ ॥ अणायारद्वाणे ॥ २ ॥ कुदसणद्वाणे ॥ ३ ॥ कोहद्वाणे ॥ ४ ॥ माणद्वाणे ॥ ५ ॥ मायंद्वाणे  
॥ ६ ॥ लोहद्वाणे ॥ ७ ॥ रागद्वाणे ॥ ८ ॥ दोसद्वाणे ॥ ९ ॥ मोहंद्वाणे ॥ १० ॥ इच्छद्वाणे ॥ ११ ॥  
मिच्छद्वाणे ॥ १२ ॥ मुच्चद्वाणे ॥ १३ ॥ सकंद्वाणे ॥ १४ ॥ कलद्वाणे ॥ १५ ॥ गेहिद्वाणे ॥ १६ ॥ आस-  
द्वाणे ॥ १७ ॥ तन्हंद्वाणे ॥ १८ ॥ हुहद्वाणे ॥ १९ ॥ पंथद्वाणे ॥ २० ॥ पथायंद्वाणे ॥ २१ ॥ निदं-  
द्वाणे ॥ २२ ॥ नियायंद्वाणे ॥ २३ ॥ नेहद्वाणे ॥ २४ ॥ कामंद्वाणे ॥ २५ ॥ कलुसद्वाणे ॥ २६ ॥  
कलहद्वाणे ॥ २७ ॥ जुज्जद्वाणे ॥ २८ ॥ निजुज्जद्वाणे ॥ २९ ॥ सगद्वाणे ॥ ३० ॥ सगहद्वाणे ॥ ३१ ॥  
ववहारंद्वाणे ॥ ३२ ॥ कयविक्रयद्वाणे ॥ ३३ ॥ अणत्थदंडद्वाणे ॥ ३४ ॥ आभोगद्वाणे ॥ ३५ ॥ आणा-  
भोगंद्वाणे ॥ ३६ ॥ अणाइहंद्वाणे ॥ ३७ ॥ वेरद्वाणे ॥ ३८ ॥ वियक्कद्वाणे ॥ ३९ ॥ हिंसद्वाणे ॥ ४० ॥  
हासद्वाणे ॥ ४१ ॥ पद्दासद्वाणे ॥ ४२ ॥ पथोसद्वाणे ॥ ४३ ॥ फरुसंद्वाणे ॥ ४४ ॥ भयद्वाणे ॥ ४५ ॥

रुवंज्ञाणे ॥ ४६ ॥ अप्पपसंसंज्ञाणे ॥ ४७ ॥ परनिदंज्ञाणे ॥ ४८ ॥ परगरिहंभाणे ॥ ४९ ॥ परिग्गहं-  
 ज्ञाणे ॥ ५० ॥ परपरिवायंज्ञाणे ॥ ५१ ॥ परदूसणंज्ञाणे ॥ ५२ ॥ आरंभंज्ञाणे ॥ ५३ ॥ संरंभंज्ञाणे  
 ॥ ५४ ॥ पावाणुभोयणंज्ञाणे ॥ ५५ ॥ अहिगरणंज्ञाणे ॥ ५६ ॥ असमाहिमरणंज्ञाणे ॥ ५७ ॥ कम्मो-  
 दयपच्चयंज्ञाणे ॥ ५८ ॥ इट्ठिगारवंज्ञाणे ॥ ५९ ॥ रसगारवंज्ञाणे ॥ ६० ॥ सायागारवंज्ञाणे ॥ ६१ ॥  
 अवेरमणंज्ञाणे ॥ ६२ ॥ अमुत्तिमरणंज्ञाणे ॥ ६३ ॥

पसुत्तस्स वा। पडिबुद्धस्स वा। जो मे कोइ देवसिओ राइओ उत्तमठे अइक्कमो वइक्कमो अइयारो  
 अणायारो तस्स मिच्छामि दुक्कडं ॥ एस करेमि पणामं, जिणवरवसहस्स वद्धमाणस्स । सेसाणं च  
 जिणायणं, सगणहराणं च सव्वेसिं ॥ ११ ॥ सव्वं पाणारंभं, पच्चस्काभित्ति अलियवयणं च । सव्वमदि-  
 द्धादाणं, मेहुन्न परिग्गहं चैव ॥ १२ ॥ सम्मं मे सव्वभूएसु, वेरं मज्झ न केणइ । आसाओ वोसिरि-  
 त्ताणं, समाहिमणुपालए ॥ १३ ॥ सव्वं चाहारविहिं, सन्नाओ गारवे कत्ताए य । सव्वं चैव ममत्तं,  
 चएमि सव्वं खमावेमि ॥ १४ ॥ हुज्जा इमंमि समए, उवक्कमो जीविअस्स जइ मज्झं । एयं पच्चस्काणं,  
 विउला आराहणा होउ ॥ १५ ॥ सव्वदुक्कपहीणाणं, सिद्धाणं अरहओ नमो । सइहे जिणपन्नत्तं,

पचस्कासि य पावग ॥ १६ ॥ नसुरथु धुअपावाणं, सिद्धाण च महसिणं । संधारं पडिवज्जामि, जहा  
 केवलिवेसियं ॥ १६ ॥ ज किंचिवि दुच्चरियं, त सब्व वोसिरामि तिविहेण ॥ सामाइयं च तिविहं,  
 कोसि सब्वं निरागारं ॥ १८ ॥ वज्ज अब्भिभतर उवहिं, सरीराइ समोयण । मणसा वयकापहिं, सब्वं  
 भावेण वोसिरे ॥ १६ ॥ सब्वं पाणारंभं, पचस्कामिस्ति अलियवयण च । सब्वमदिम्रादाण, मेहुन्न परि-  
 ग्गह वेव ॥ २० ॥ सम्मं मे सब्वभूएसु, वेरं मज्झ न केणइ । आसाओ वोसिरित्ताण, समाहिमणुया-  
 लए ॥ २१ ॥ रागं वध पओसं च, हरित दीणभावयं । उस्तुगच भयं सोगं, रइ अरइं च वोसिरे  
 ॥ २२ ॥ ममत्तं परिवज्जामि, निम्ममत्त उवट्ठिओ ॥ आलवण च मे आया, अवसेस च वोसिरे  
 ॥ २३ ॥ आया हु मह नाणे, आया मे दंसणे चरित्ते य । आया पच्चस्काणे, आया मे संजमे जोगे  
 ॥ २४ ॥ एगो वच्चइ जीवो, एगो चेंबुवज्जए । एगस्स चेंव मरणा, एगो सिज्झइ नीरओ ॥ २५ ॥ एगो  
 मे सासओ अप्पा, नाणदंसणसंजुओ । सेसा मे वाहिरा भावा, सब्वे सजोगलक्खा ॥ २६ ॥ सजोगमूला  
 जीवेण, पत्तादुक्कपरपरा । तम्हा सजोगसंबंधं, सब्वं तिविहेणं वोसिरे ॥ २७ ॥ मूलगुणे उत्तरगुणे,

जे मे नाराहिया पयसेणं । तमहं सब्वं निदे, पडिक्खे आगमिस्साणं ॥ २८ ॥ सच्च भए अट्ट मए,  
सन्ना चत्तारि गारेवे तिमि । आसायण तिस्सीसं, रागं दोसं च गरिहामि ॥ २९ ॥ असंजममच्चाणं,  
मिच्छत्तं सब्वमेव य ममत्तं । जीवेसु अजीवेसु अ, तं निदे तं च गरिहामि ॥ ३० ॥ निदामि निद-  
णिज्जं, गरिहामि अ जं च मे गरहणिज्जं । आलोएमि अ सब्वं, अर्द्धिभतरबाहिरं उवहिं ॥ ३१ ॥  
जह बासो जंपतो, कज्जमकज्जं च उज्जुअं भणइ । तं तह आलोइजा, मायामयविप्पमुक्को य ॥ ३२ ॥  
नाणंमि दंसणंमि य, तवे चरित्ते य बउसुवि अकंपो । धीरो आगमकुसलो, अपरिस्सावी रहस्साणं  
॥ ३३ ॥ रागेण व दोसेण व, जं मे अकयसुआ पमाएणं । जो मे किंचिवि भणिओ, तमहं तिवि-  
हेण खामेमि ॥ ३४ ॥ तिविहं भणंति मरणं, बालाणं बालपंडियाणं च । तइयं पंडियमरणं, जं केव-  
लियो अणुमंरंति ॥ ३५ ॥ जे पुण अट्टमईया, पयलियसन्ना य वक्कभावा य । असमाहिणा मंरंति,  
न हु ते आराहगा भणिआ ॥ ३६ ॥ मरणो विराहिए देव-दुगई दुल्लहा य किर बोही । संसारो य  
अणंतो, हवइ पुणो आगमिस्साणं ॥ ३७ ॥ का देवदुगई ? केणोव बुज्झइ मरणं ? ।

१ पमाएणं. २ मायामोसं पट्टचूणं. ३ अणुसंरंति.

५२ ॥ ५१ ॥ ५२ ॥ ५३ ॥ ५४ ॥ ५५ ॥ ५६ ॥ ५७ ॥ ५८ ॥ ५९ ॥ ६० ॥ ६१ ॥ ६२ ॥ ६३ ॥ ६४ ॥ ६५ ॥ ६६ ॥ ६७ ॥ ६८ ॥ ६९ ॥ ७० ॥ ७१ ॥ ७२ ॥ ७३ ॥ ७४ ॥ ७५ ॥ ७६ ॥ ७७ ॥ ७८ ॥ ७९ ॥ ८० ॥ ८१ ॥ ८२ ॥ ८३ ॥ ८४ ॥ ८५ ॥ ८६ ॥ ८७ ॥ ८८ ॥ ८९ ॥ ९० ॥ ९१ ॥ ९२ ॥ ९३ ॥ ९४ ॥ ९५ ॥ ९६ ॥ ९७ ॥ ९८ ॥ ९९ ॥ १०० ॥  
 इह जे मरति जीवा, तेसि दुलहा भवे बोही ॥ ४० ॥ सम्मरसखरत्ता, अनियाया सुकलेसमो-  
 गाढा । इह जे मरति जीवा, तेसि सुलहा भवे बोही ॥ ४१ ॥ जे पुण गुरुपढिणीया, बहुमोढा स-  
 सबत्ता कुसीला य । असमाहिणा मरति, ते हुति अणतसंसारी ॥ ४२ ॥ जियवयखे अछुरत्ता, गु-  
 र्वपण जे करति भावेण । असबलअसकिलिद्धा, ते हुति परितसंसारी ॥ ४३ ॥ बालमरणाणि  
 बहुसो, बहुआणि अकामगाणि मरणाणि । मरिहति ते कराया, जे जियवयखं न यावति ॥ ४४ ॥  
 सत्यगहण विसमस्त्रण च जलखं च जलपवेसो अ । अणयारभटसेवी, जम्मखमरणाणुबधीणि  
 ॥ ४५ ॥ उट्टुमहे तिरियमिवि, मयाणि जीवेण बालमरणाणि । दंसणनाखसहगमो, पढियमरखं अ-  
 गुमरिस्सं ॥ ४६ ॥ उव्वेयणयं जाईमरणं नरएसु वेअणाओ य । पआणि संभरंतो, पढियमरखं मरसु  
 इन्दि ॥ ४७ ॥ जइ उप्पज्जइ दुक्कं, तो वट्ठवो सहावओ नवरं । किं किं मए न पसं, संसारं संसरं-



तेषु ॥ ४८ ॥ संसारचक्रवाले, सवेवि य पुगला मए बहुसो । आहारिया य परिणामिआ य न  
यहं गंथो तत्ति ॥ ४९ ॥ तणकट्टेहि व अग्गी, लवणजलो वा नईसहस्सेहि । न इमो जीवो सक्को,  
तिप्पेउं कामभोगेहि ॥ ५० ॥ आहारनिमित्तेणं, मच्छा गच्छंति सत्तमिं पुढविं । सच्चित्तो आहारो,  
न खंमो मणसावि पत्थेउं ॥ ५१ ॥ पुंविं कयपरिकम्मो, अनियाणो ऊहिऊण मइबुद्धिं । पच्छा म-  
लिअकसाओ, सज्जो मरणं पडिच्छामि ॥ ५२ ॥ अक्खंडेचिरभाविय, ते पुरिसा मरणदेसकालंमि । पु-  
व्वकयकम्मपरिभावणाइ पच्छा परिवडंति ॥ ५३ ॥ तम्हा चंदगविज्झं, सकारणं उज्जुएण पुरिसेण ।  
जीवो अविरहियगुणो, कायव्वो सुखमग्गंमि ॥ ५४ ॥ बाहिरजोगविरहिओ, अन्निभतरझाणजोगम-  
ल्लीणो । जह तंमि देसकाले, अमूढसन्नो चयइ देहं ॥ ५५ ॥ हंतूण रागदोसं, छित्तूण य अट्टक-  
म्मसंघायं । जम्मरमरणरहटं, छित्तूण भवा विमुच्चिहिसि ॥ ५६ ॥ एवं सब्बुवणसं, जिणदिट्ठं सह-  
हामि तिविहेणं । तसथावरखेमकरं, पारं निव्वाणमग्गस्स ॥ ५७ ॥ न हि तंमि देसकाले, सक्को

१ तप्पेउं. २ खमइ. ३ भित्तूण. ४ भित्तूण.

धारसविहो सुषसंधो । सन्धो अणुचितेड, धणियपि समत्यधिसेणं ॥ ५८ ॥ एगमिवि जंमि एण,  
 सवेण धीअरायमग्गंमि । गच्छइ नरो अभिक्कं, तं मरणं तेण मरियव्व ॥ ५९ ॥ ता एगंमि सिलोणं,  
 जो पुरितो मरणदेसकालंमि । आराहणोवडत्तो, चित्तो राहगो होइ ॥ ६० ॥ आराहणोवडत्तो,  
 कालं काऊण सुविहिओ सम्म । उक्कोस तिमि भवे, गंतूणं लहइ निव्वणं ॥ ६१ ॥ समणुत्ति अहं  
 पढम, धीयं सव्वत्य सज्जओमिच्चि । सव्वं च वोसिरामि, एयं भणिय समासेणं ॥ ६२ ॥ लद्ध अलद्ध-  
 पुव्व, जिणवयणसुभासियं अमयमूअं । गहिओ सुग्गइमग्गो, नाहं मरणस्स वीहेमि ॥ ६३ ॥ धीरे-  
 णवि मरियव्वं, काउरिसेणवि अवस्स मरियव्व । दुन्हपि हु मरिअव्वे, वरं खु धीरत्तणे मरिउं ॥ ६४ ॥  
 सीलेणवि मरियव्व, निस्सीलेणवि अवस्स मरियव्वं । दुन्हपि हु मरिअव्वे, वरं खु सीलत्तणे मरिउं  
 ॥ ६५ ॥ नायस्स दंसणस्स य, सम्मत्तस्स य चरित्तजुत्तस्स । जो काही उवओगं, संसारा सो वि-  
 मुच्चिहिसि ॥ ६६ ॥ चिरउसिय बंभयारी, पप्फोडेऊण सेसयं कम्मं । अणुपुब्बीइ विसुद्धो, गच्छइ

सिद्धिं धुयकिलेसो ॥ ६७ ॥ निक्कसायस्स दंतस्स, सूरस्स ववसाइणो । संसारपरिभीअस्स, पच्चस्काणं  
सुहं भवे ॥ ६८ ॥ एयं पच्चस्काणं, जो काही मरणदेसकालंमि । धीरो अमूढसन्नो, सो गच्छइ  
उत्तमं ठाणं ॥ ६९ ॥ धीरो जरमरणविज्ज, धीरो विन्नाणनाणसंपन्नो । लोगस्सुज्जोअगरो, दिसउ  
खयं सब्बटुस्काणं ॥ ७० ॥

॥ इय आउरपच्चस्काणपइमयं समत्तं ॥



### ३ भक्तपरिभा.

नमिऊण महाइसयं, महाणुभावं सुणि महावीरं । भयिमो भक्तपरिभा, निअसेरयडा परडा य  
॥ १ ॥ भवगहणभमखरीणा, लहेन्ति निवुइसुहं जमछीणा । तं कम्पामुमकाणसुहयं जिणसासणं  
जयइ ॥ १ ॥ मणुअत्त जिणवयण, च दुल्लहं पाविऊण सप्पुरिसा । सासयसुहिक्करसिपहि नाण-  
वसिपहि द्दोयव्वं ॥ ३ ॥ जं अज्ज सुहं भविणो, संभरणीअं तयं भवे कळं । मग्गन्ति निरुवसग्गं,  
अपवग्गसुह वुहा तेण ॥ ४ ॥ नरविबुहेसरसुक्कं, दुक्कं परमत्थओ तय विन्ति । परिणामदारुणम-  
सासय च ज ता अल तेण ॥ ५ ॥ जं सासयसुहसाहणमाणाभाराहणं जिणिन्दाणं । ता तीप-  
जइथव्वं, जिणवयणविसुअदुद्धीहिं ॥ ६ ॥ तं नाणदंसाण, चारित्तवाण जिणपणीआण । ज आराहण-  
मिणमो, आणाआराहणं विन्ति ॥ ७ ॥ पव्वजाए अण्मुज्जुओवि आराहओ अहासुत्तं । अण्मुज्जुअमर-  
णेण, अविगलमाराहणं लहइ ॥ ८ ॥ अतंण्मुज्जुअमरणं, अमरणधम्मेहिं अस्सिअं तिविहिं । भक्तपरिभा  
इगिणि, पाओवगम च धीरेहिं ॥ ९ ॥ भक्तपरिभामरणं, दुविहं सविआर मो अंचीयारं । सपरकमस्स

१ मरयडा. २ य अदियारं.

मुणियो, संलिहिअतणुस्स सविआरं ॥ १० ॥ अपरक्खमस्स काले, अप्पहुप्यन्तमि जं तमविआरं ।  
तमहं भत्तपरिन्नं जहापरिन्नं भणिस्सामि ॥ ११ ॥ धिइवलविअलाणमकालमच्चुकलिआणमकयकर-  
णाणं । निरवज्जमज्जकालिअजईण जुगं निरुवसगं ॥ १२ ॥ पसमसुहसप्पिवासो, असोअहासो  
सजीविअनिरासो । विसयसुहविगयरगो, धम्मज्जमजायसंवेगो ॥ १३ ॥ निच्छिअमरणावत्थो, वाहि-  
ग्घत्थो जई गिहत्थो वा । भविअो भत्तपरिन्नाइ, नायसंसारनिग्गुन्नो ॥ १४ ॥ पच्छायावपरद्धो, पियधम्मो  
दोसदूतणसयहो ॥ अरहइ पासत्थाईवि दोसदोसिल्लकलिओवि ॥ १५ ॥ वाहिजरमरणमयो, निर-  
न्तरुप्पत्तिनीरमयरन्दो । परिणामदारुणदुहो, अहो दुरन्तो भवसमुद्धो ॥ १६ ॥ इअ कक्किअ सह-  
रिसं, गुरुपामूलेअभिगम्म विणएण । भालयलमिलिअकरकमलसेहरो वन्दिउं भणइ ॥ १७ ॥ आरु-  
हिअंमहं सुपुरिस, भत्तपरिन्नापसत्थबोहित्थं । निजामएण गुरुणा, इच्छामि भवन्नवं तरिउं ॥ १८ ॥  
कारुन्नामयनीसन्दसुन्दरो सोवि से गुरु भणइ । आलोअणवयखामणपुरस्सरं तं पवजेसु ॥ १९ ॥  
इच्छासुप्ति भणिता, भत्तीअहुमाणसुद्धसंकप्पो । गुरुणो विगयावाए, पाए अभिवन्दिउं विहिणा ॥ २० ॥

१ प. २ प. ३ सं. ४ परम. ५ नेगुसो. ६ उ.

सह उद्धरिउमणो, सबेगुव्वेअतिव्वसद्धाओ । ज कुणइ सुच्छिहेउ, सो तेणाराहओ होइ ॥ २१ ॥ अह  
 सो आलोअणदोसवज्जिअ उज्जुअं जहायरिअं । बालुव्व बाअकालाओ, देइ आलोअणं सम्मं ॥ २२ ॥  
 ठविण पायच्छित्ते, गणिया गणिसपयासमगेण । सम्ममणुमग्निअ तय, अपावभावो पुणो भणइ  
 ॥ २३ ॥ दारुणहुहजलयरनिअरभीमभवजलहितारणसमत्थे । निप्पच्चवायपोए, महव्वए अग्ग्ह'उत्कि-  
 वसु ॥ २४ ॥ जइवि स खडिअचडो, 'अस्सहमहव्वओ जई जइवि । पव्वज्जवउट्ठावणमुट्ठावणमरिहइ  
 तहवि ॥ २५ ॥ पट्ठुणो सुकयाणत्तिं, भिआ पच्चप्पिणन्ति जह विहिणा । जावज्जीवणइअणत्तिं  
 गुरुणो तहा सोवि ॥ २६ ॥ जो साइआरचरणो, आउट्ठियवडलंडिअवओ वा । तह तस्सवि सम्म  
 मुवट्ठिअस्स उट्ठावणा भणिया ॥ २७ ॥ तत्तो तस्स महव्वथपव्वयभारो नमन्तसीसस्स । सीसस्स स-  
 मारोवइ, सुगुरुवि महव्वए विहिणा ॥ २८ ॥ अह हुज्ज देसविरओ, सम्मत्तरओ रओ अ जिणधम्मो ।  
 तस्सवि अणुव्वयाइ, आरोविज्जन्ति सुद्धाइ ॥ २९ ॥ अनिआणोदारमणो, हरिसवसविसट्ठकपुक-  
 राओ । पूएइ गुरु सय, साहम्मिअमाइ भत्तीए ॥ ३० ॥ निअवव्वमउव्वजिणिन्दभवणजिणबिम्बव-

रपइछासु । विअरइ पसत्थपुत्थयसुतित्थयरपूआसु ॥ ३१ ॥ जइ सोवि सव्वविरई, कयाणुराओ वि-  
सुद्धमइकाओ । छिन्नसयणाणुराओ, विसयविसाओ विरत्तो अ ॥ ३२ ॥ संथारयपव्वज्जं, पडिवज्जइ सोवि  
निअमनिरव्वज्जं । सव्वविरईपहाणं, सामइअचरित्तमारुहइ ॥ ३३ ॥ अह सो सामइअधरो, पडि-  
वन्नमहव्वओ अ जो साहू । देसविरओ अ चरिमं, पच्चस्सामित्ति निच्छइओ ॥ ३४ ॥ गुरुगुणगुरुणो गु-  
रुणो, पयपंकयनमियमत्थओ भणइ । भयवं भत्तपरिअं, तुम्हाणुमयं पवज्जामि ॥ ३५ ॥ आराहणइ  
खेमं, तस्सेव य अप्पणो अ गणिवसहो । दिव्वेण निमित्तेणं, पडिलेहइ इहरहा दोसो ॥ ३६ ॥ तत्तो  
भवचरिमं सो, पच्चस्साइत्ति तिविहमाहारं । उक्कोसिआणि दव्वणि, तस्स सव्वणि दंसिज्जा ॥ ३७ ॥  
पासिनु तौं कोई, तीरं पत्तस्सिमेहिं किं मज्झ । देसं च कोई भुञ्जा, संवेगगओ विचिन्तेइ ॥ ३८ ॥  
किं चत्तं नोवभुत्तं मे, परिणामासुईसुई । दिट्ठसारो सुहं झोयई, चोयणोसा वसीअओ ॥ ३९ ॥ उ-  
अरमलसोहणाढा, समाहिपाणं मणुअमेसोवि । महुरं पजेअव्वो, मंदं च विरेयणं खमओ ॥ ४० ॥  
एलतयनागकेसरतमालपत्तं ससकरं दुद्धं । पाऊण कढिअसीअलसमाहिपाणं तओ पच्छा ॥ ४१ ॥

१ जत्तासु. २ ए. ३ ताणि. ४ अतं. ५ झाइ ? ६ विसीअओ.

महुरविरभणमेसो, कायव्वो पुप्फलाइदव्वेहिं । निव्वंविच्चो अ अग्गी, समाहिमेसो सुहं लहइ ॥४२॥  
जावज्जीवं तिविहं, आहारं वोसिरइ इह खवगो । निज्जवगो आयरिओ, सघस्स निवेअणं कुणइ  
॥ ४३ ॥ आराहणपच्चइअ, खमगस्स य निरुवसगपच्चइअं । तो उस्सग्गो संघेण, होइ सव्वेण का-  
यव्वो ॥ ४४ ॥ पच्चस्सविन्ति तओ, त ते खवंयं चउव्विहाहार । सघसमुदायमज्जे, चिइवन्दणपुव्वयं  
विहिणा ॥ ४५ ॥ अहवा समाहिहेउ, सागारं चयइ तिविहमाहारं । तो पाणयपि पच्चा, वोसिरि-  
अव्व जहाकालं ॥ ४६ ॥ तो सो नमन्तसिरसघडन्तकरकमलसेहरो विहिणा । खामेइ सव्वसंघं, सं-  
वेग सज्जणेमारो ॥ ४७ ॥ आयरिअउवज्जाप, सीसे साहम्मिय कुलगणे य । जे मे केइ कसाया,  
सव्वे तिविहेण खामेमि ॥४८॥ सव्वे अवरहपप, खामेमि अहं खमेउ मे भयवं । अहमवि खमामि  
सुद्धो, गुणसघायस्स संघस्स ॥ ४९ ॥ इअ वन्दणखामणगरिइणाहिं भवसयसमज्जियं कम्मं । उ-  
वणेइ खणेण खय, मिआवई रायपत्तिव ॥ ५० ॥ अह तस्स महव्वयसुट्ठिअस्स जिणवयणभाविअ-  
मइस्स । पच्चस्सायाहारस्स, तिव्वसवेगसुहयस्स ॥५१॥ आराहणखाभाओ, कयत्थमप्पाणयं मुणन्तस्स ।



कलुसकलतरणलट्ठिं, अणुसट्ठिं, देइ गणिवसहो ॥ ५२ ॥ कुग्गहपरूढमूलं, मूलाओ छिन्द वच्छ मि-  
च्छत्तं। भावेसु परमतत्तं, सम्मत्तं सुत्तनीईए ॥ ५३ ॥ भत्तिं च कुणसु तिब्बं, गुणाणुराएण वीअरायाणं।  
तह पंचनमुक्कारे, पवयणसारे रइं कुणसु ॥ ५४ ॥ सुविहियहियनिज्झाए, सज्झाए उज्जुओ सया  
होसु। निच्चं पंचमहव्वयरस्कं कुण आयपच्चस्कं ॥ ५५ ॥ उज्झसु निआणसल्लं, मोहमहल्लं सुकम्मनि-  
स्सल्लं। दमसु अ सुणिन्दसन्दोह निन्दिए इन्दिअमइन्दे ॥ ५६ ॥ निव्वाणसुहावाए, विइन्ननिरयाइदारु-  
णावाए। हणसु कसायपिसाए, विसयतिसाए सय सहाए ॥ ५७ ॥ काले अपहुप्पन्ते, सामन्ने सावसेसिए  
इणिह। मोहमहारिउदारणअसिलट्ठिं सुणसु अणुसट्ठिं ॥ ५८ ॥ संसारमूलवीअं, मिच्छत्तं सब्वहा वि-  
वजेहि। सम्मत्ते दढचित्तो, होसु नमुक्कारकुसलो अ ॥ ५९ ॥ मयतरिहयाहि तोयं, मन्नन्ति जहा  
नरा सतएहाए। सुस्काइं कुहम्माओ, तेहव मिच्छरामूढमणो ॥ ६० ॥ नवि तं करेइ अग्गी, नेअ  
विसं नेअ किण्हसप्पो अ। जं कुणइ महादोसं, तिब्बं जीवस्स मिच्छत्तं ॥ ६१ ॥ पावइ इहेव वसणं,  
तुरुमिणिदत्तुव्व दारुणं पुरिसो। मिच्छत्तमोहिअमणो, साहुपओसाउ पावाउ ॥ ६२ ॥ मा कासि तं

पमाय सम्मत्ते सन्धुक्कनासणप । जं सम्मत्तपइहाइ, नाणतवचिरिअचरेणाइं ॥ ६३ ॥ भावाणुरा-  
 यपेमाणुरायसुगुणाणुरायरत्तो अ । धम्माणुरायरत्तो अ, होसु जिणसासणे निच्च ॥ ६४ ॥ वंसणभट्ठो  
 भट्ठो, नहु भट्ठो होइ चरणपवभट्ठो । वंसणमणुपत्तस्स हु, परिअट्ठण नत्थि संसारे ॥ ६५ ॥ वंसण  
 भट्ठो भट्ठो, वंसणभट्ठस्स नत्थि निव्वाणं । सिज्झन्ति चरणरहिआ, वंसणरहिआ न सिज्झन्ति ॥ ६६ ॥  
 सुद्धे सम्मत्ते अचिरओवि अज्जेइ तित्थयरनामं । जह आगमेसिभवा, हरिकुलपहुसेणिएआईआ  
 ॥ ६७ ॥ कछाणपरपरय, लहन्ति जीवा विसुद्धसम्मत्ता । सम्मदसणयया, नग्घइ ससुरासुरे कोप  
 ॥ ६८ ॥ तेलुक्कस्स पटुत्त, लद्धणवि परिवडन्ति कालेण । सम्मत्ते पुण लद्धे, अस्सयसुक्कं लहइ  
 सुक्क ॥ ६९ ॥ अरिहन्तसिद्धवेइअपवयणआयरिअसव्वसाहूसु । तित्थंकरेसु भत्ति, तिगरणसुद्धेण  
 भावेण ॥ ७० ॥ पगावि सा समत्था, जिणभत्ती दुग्गइं निवारेउं । दुलहाइ लहावेउं, आसिद्धिपर-  
 परसुहाइ ॥ ७१ ॥ विजावि भत्तिमन्तस्स, सिद्धिमुवयाइ होइ फलया य । किं पुण निव्वुइविजा,  
 सिज्झहिइ अ भत्तिमन्तस्स ॥ ७२ ॥ तेसि आराहणनायगाण न करिज जो नरो भत्ति । धणिअंपि  
 उज्जमन्तो, साल्लि सो ऊसरे ववइ ॥ ७३ ॥ बीएण विणा सस्स, इच्छइ सो वासमब्भएण विणा ।

आराहणमिच्छन्तो आराहयभत्तिमकरन्तो ॥ ७४ ॥ उत्तमकुलसंपत्तिं, सुहनिप्पत्तिं च कुण्ड जिण-  
भत्ती । मणियारसिद्धिजीवस्स, दहुरस्सेव रायगिहे ॥ ७५ ॥ आराहणापुरस्सरमणन्नहियम्नो विसु-  
द्धलेसाओ । संसारखयकरणं, तं मा मुंची नमुक्कारं ॥ ७६ ॥ अरिहन्तनमुक्कारो, एक्कोवि हविज्ज  
जो मरणकाले । सो जिणवेरहि दिट्ठो, संसारंछेअणसमत्थो ॥ ७७ ॥ मिठो किलिहुकम्मो, नमो  
जिणाणंति सुकयपरिहाणो । कमलदलखो जस्को, जाओ चोरुत्ति सूलहओ ॥ ७८ ॥ भावनमुक्कार-  
विवज्जिआइं जीवेण अकयकरणाइं । गहिआणि अ मुक्काणि अ, अणन्तसो दव्वलिंगाइं ॥ ७९ ॥  
आराहणापडागागहणे हत्थो भवे नमोक्कारो । तह सुगइमगगमणे, रहुव्व जीवस्स अप्पेडिहो ॥ ८० ॥  
अन्नाणीवि अ गोवो, आराहिता मओ नमुक्कारं । चम्पाए सिद्धिसुओ, सुदंसणो विस्सुओ जाओ ॥ ८१ ॥  
विजा जहा पिसायं, सुट्ठुवउत्ता करेइ पुरिसवसं । नाणं हिअयपिसायं, सुट्ठुवउत्तं तह करेइ  
॥ ८२ ॥ उवसमइ किण्हसप्पो, जह मन्तेण विहिणा पउत्तेणं । तह हिययकिण्हसप्पो, सुट्ठुवउ-  
त्तेण नाणेण ॥ ८३ ॥ जह मक्कडओ खणमवि, मज्झत्थो अच्छिउं न सक्केइ । तह खणमवि मज्झत्थो, वि-

१ र. २ अपडिहओ.

सपदि विद्या न होइ मणो ॥ ८४ ॥ तन्हा स उट्टिमणो, मणमकडओ जियोवपसेणं । काउ सुत-  
 निबध्दो, रामेअव्वो सुहज्जाणे ॥ ८५ ॥ सुई जइ ससुत्ता, न नस्सई कयवरम्मि पडिआवि । जीवोवि  
 तहं ससुत्तो, न नस्सइ गओवि ससारे ॥ ८६ ॥ खंडसिलोगेहि जवो, जइ ता मरणाउ रक्खिओ  
 राया । पत्तो अ सुसामन्न, किं पुण जियाउत्तसुत्तेणं ॥ ८७ ॥ अहवा चिलाइपुत्तो, पत्तो नाणं तहा-  
 मरत्त च । उवसमविवेगसवरपयसुमरणमित्तसुअनाणो ॥ ८८ ॥ परिहर छजीववह, सम्म मणाव-  
 यणकायजोगेहि । जीवविसेस नाउं, जावजीवं पयत्तेण ॥ ८९ ॥ जह ते न यिअ दुक्कं, जाणिअ  
 एमेव सव्वजीवाण । सव्वायसुवउत्तो, अत्तोवस्मेण कुणसु दयं ॥ ९० ॥ तुग न मन्दराओ, आगासाओ  
 विसालयं नत्थि । जह तह जयम्मि जाणसु, धम्ममहिंसासमं नत्थि ॥ ९१ ॥ सव्वेवि अ संबंधा, पत्ता  
 जीवेण सव्वजीवेहि । तो मारन्तो जीवे, मारइ संबंधियो सव्वे ॥ ९२ ॥ जीववहो अप्पवहो, जीव-  
 दया अप्पणो दया होइ । ता सव्वजीवहिंसा, परिचत्ता अत्तकामेहिं ॥ ९३ ॥ जावइआइं दुक्काइं  
 हुन्ति चउगइगयस्स जीवस्स । सव्वाइं ताइ हिंसाफलाइं निउणं विआणाहि ॥ ९४ ॥ ज किंचि

सुहसुआरं, पहुत्तणं पयइसुन्दरं जं च । आरुगं सोहगं, तं तमहिंसाफलं सव्वं ॥ ६५ ॥ पाणोवि  
पाडिहेरं, पत्तो छूढोवि सुंसमारदहे । एगेणवि एगदिणज्जिएणहिंसावयगुणेण ॥ ६६ ॥ परिहर  
असच्चवयणं, सव्वंपि चउव्विहं पयत्तेण । संजमवन्तावि जओ, भासादोसेण लिप्पन्ति ॥ ६७ ॥ हा-  
सेण व कोहेण व, लोहेण भएण वावि तमसच्चं । मा भणसु भणसु सच्चं, जीवहिअत्थं पसत्थमिणं  
॥ ६८ ॥ विस्ससणिज्जो माया, व होइ पुज्जो गुरुव्व लोयस्स । सयणुव्व सच्चवाई, पुरिसो सव्वस्स होइ  
पिओ ॥ ६९ ॥ होउ व जडी सिंहडी, मुंडी वा वक्कली व नगो वा । लोए असच्चवाई, भन्नइ पा-  
संडचंडालो ॥ १०० ॥ अलिअं सइपि भणिअं, विहणइ बहुआइं सच्चवयणाइं । पडिओ नरयम्मि  
वसू, इक्केण असच्चवयणेण ॥ १०१ ॥ मा कुणसु धीर बुद्धि, अप्पं व बहं व परधणं धित्तुं । दन्त-  
न्तरसोहणयं, किलिंचमित्तंपि अविदिन्नं ॥ १०२ ॥ जो पुण अत्थं अवहरइ, तस्स सो जीविअंपि अ-  
वहरइ । जं सो अत्थकएणं, उज्झइ जीअं न उण अत्थं ॥ १०३ ॥ तो जीवदयापरमं, धम्मं गहिऊण  
गिएह मादिन्नं । जिणगएणहरपडिसिद्धं, धम्मविरुद्धं अहम्मं च ॥ १०४ ॥ चोरो परलोगम्मिवि, ना-

१ वूढोवि. २ लोएवि सच्चवाई.

रयतिरिपसु लहइ दुखाइ । मणुअत्तणेवि दीखो, दारिदोवहुओ होइ ॥ १०५ ॥ चोरिक्कनिविचीप,  
 सावयपुत्तो जहा सुह लहइ । किटिमोरपिचंचित्तिअगुठीचोराण चलोसु ॥ १०६ ॥ रक्खाहि बंम-  
 चेरं, वमगुत्तीहि नगहि परिसुद्ध । निच्च जिणाहि कामं, दोसपकाम विआणित्ता ॥ १०७ ॥ जाव-  
 इआ किर दोसा, इहपरलोए दुहावहा हुन्ति । आवहइ ते उ सव्वे, मेहुणसम्मा मणूसंस्त ॥ १०८ ॥  
 रइअरइतरलजीहाजुएण सकप्पउब्भढफणेण । विसयबिलवासिणा मयमुहेण विब्बोअरोसेण ॥ १०९ ॥  
 काममुअणेण दट्ठा, लज्जानिम्मोअदप्पवाढेण । नासन्ति नरा अत्रसा, दुस्तहदुखावहवित्सेण  
 ॥ ११० ॥ लल्लक्कनिरयविअणाउ घोसंसारसायरुव्वहणं । सगच्छइ नय पिच्छइ, तुच्छत्त कामिअसुहस्स  
 ॥ १११ ॥ वम्महसरसयविद्धो, गिद्धो वण्डिउव्व रायपत्तीप । पाउक्खालथगेहे, दुग्गधेगेगतो वसिअो  
 ॥ ११२ ॥ कामासत्तो न मुणइ, गम्मागम्मपि वेसिआणुव्व । सिट्ठी कुवेरदत्तो, निअयसुआसुरयर-  
 इरत्तो ॥ ११३ ॥ पडिपिल्लिअ कामकलिं, कामग्घत्थासु मुअसु अणुवध । महिलासु दोसविसवल्लीसु  
 पयइ नियच्छन्तो ॥ ११४ ॥ महिला कुलं सुवंसं, पियं सुअ मायर च पिअर च । विसयंथा अगणन्ती,

१ पिच्छ १ २ मणुस्सस्स. ३ वसेण. ४ यो. ५ स. ६ पइ.

दुःखसमुद्गमि पाडेइ ॥ ११५ ॥ निअंगमाहिं सुपओहराहि उप्पिच्छमन्थरगईहिं । महिलाहि नि-  
अयाहि व, गिरिवरगरुआवि भिजन्ति ॥ ११६ ॥ सुट्ठुवि जिआसु सुट्ठुवि, पिआसु सुट्ठुवि परूढ-  
पेमासु । महिलासु भुअंगीसु व, वीसंभं नाम को कुणइ ॥ ११७ ॥ वीसंभनिब्भरं पि हु, उवयारपरं  
परूढपण्यं पि । कयविप्पिअं पिअं इत्ति निन्ति निहणं हयासाओ ॥ ११८ ॥ रमणीअदंसणाओ, सो-  
मालंगीउ गुणनिवद्धाओ । नवमालइमालाउ व, हरन्ति हिअयं महिलिआओ ॥ ११९ ॥ किंतु म-  
हिलाण तासि, दंसणसुन्देरजणिअमोहाणं । आलिगणमइरा देइ वज्झमालाण व विणासं ॥ १२० ॥  
रमणीण दंसणं चेव सुन्दरं होउ संगमसुहेणं । गंधु अिअ सुरहो मालईइ मलणं पुण विणासो  
॥ १२१ ॥ साकेअपुराहिवई, देवरई रजसुंस्कपब्भट्ठो । पंगुलेहेउं छूढो, वूढो अ नईइ देवीए ॥ १२२ ॥  
सोअसरी दुरिअदरी, कवडकुडी महिलिआ किलेसकरी । वइरविरोअणअरणी, दुक्खवणी सु-  
क्खपडिवक्का ॥ १२३ ॥ अमुणिअमणपरिकम्मो, संम्मं को नाम नासिउं तरइ । वम्महसरपसरोहे,  
दिट्ठिच्छोहे मयच्छीणं ॥ १२४ ॥ घणमालाउ व दूरुअमन्तसुपओहराउ वड्डन्ति । मोहविसं महिलाओ,

आलकविसं व पुरिसस्त ॥ १२५ ॥ परिहरसु तन्नो तासि, विद्धि विद्धीविसस्त व अहिस्त । जं रम-  
 शिनयणबाणा, बरित्तपाणे विणासन्ति ॥ १२६ ॥ महिलासंसंगीय, अग्गी इव जं च अप्पसारस्त ।  
 मयण व मणो मुखिणोवि हन्त सिग्धं चिअ विलाइ ॥ १२७ ॥ जइवि परिचत्तसंगो, तवतणुअगो  
 तहावि परिवडइ । महिलाससंगीय, कोसाभवणूसिअन्व रिसी ॥ १२८ ॥ सिंगारतरगाय, विलास-  
 वेलाइ जुब्बणजलाप । पहसिअफेणाइ सुणी, नारिनईय न बुडन्ति ॥ १२९ ॥ विसयजलं मोहकलं,  
 विलासविट्ठोअजलहराइनं । मयमयरं उत्तिन्ना, तारुअमहन्नव धीरा ॥ १३० ॥ अम्भितरवाहिरय,  
 सन्ने गथे तुम विवजेहि । कयकारिअणुनईहिं, कायमणोवययजोगेहिं ॥ १३१ ॥ सगनिमित्तं मारेइ,  
 भणइ अलिअ केइ चोरिकं । सेवइ मेहुण मिच्छ, अप्परिमाण कुयइ जीवो ॥ १३२ ॥ संगो महा-  
 भय ज, विहेडिओ सावण सतेणं । पुत्तेण हिण अत्थम्मि मणिवई कुंचिपण जहा ॥ १३३ ॥ सब्ब-  
 गंयविमुक्को, सीईभूओ पसन्तचित्तो अ । ज पावइ मुत्तिसुह, न चक्खदीवि तं लहइ ॥ १३४ ॥  
 निस्सल्लस्सेह महवयाइ अल्लडनिव्वणगुणाइं । उवहम्मसि अ ताइं, निआणलहेण सुणियावि ॥ १३५ ॥



अह रागदोसगब्भं, मोहगब्भं च तं भवे तिविहं । धम्मत्थं हीणकुलाइपत्थणं मोहगब्भं च ॥ १३६ ॥  
 रागेण गंगदत्तो, दोसेणं विस्सभूइमाईआ । मोहेण चंडपिंगल माईआ हुन्ति दिट्ठन्ता ॥ १३७ ॥  
 अगणिअ जो सुखसुहं, कुणइ निआणं असारसुहेहेउं । सो कायमणिकएणं, वेरुलियमणि पणासेइ  
 ॥ १३८ ॥ दुक्ककय कम्मखय, समाहिमरणं च वोहिलाभो अ । एअं पत्थेयव्वं, न पत्थणिज्जं तंओ  
 अन्नं ॥ १३९ ॥ उज्झिअनिआणसल्लो, निसिभत्तनिअत्तिसमिइगुत्तीहिं । पंचमहव्वयरक्कं, कयसिव-  
 सुक्कं पसाहेइ ॥ १४० ॥ इन्दिअविसयपसत्ता, पडन्ति संसारसायरे जीवा । पक्खिअव छिन्नपक्खा, सुसी-  
 लगुणपेहुणविहूणा ॥ १४१ ॥ न लहइ जहा लिहन्तो, मुहिछिअं अट्ठियं रसं सुणओ । सोसइ ता-  
 लुअरसिअं, विलिहन्तो मन्नए सुक्कं ॥ १४२ ॥ महिलापसंगसेवी, न लहइ किंचिवि सुहं तथा पु-  
 रिसो । सो मन्नए वराओ, सयकायपरिस्समं सुक्कं ॥ १४३ ॥ सुहुवि मग्गिज्जंतो, कत्थवि केलीइ  
 नत्थि जह सारो । इन्दिअविसएसु तथा, नत्थि सुहं सुहुवि गविहं ॥ १४४ ॥ सोएण पवसिअपिआ,  
 चक्खूराएण माहुरो वणिओ । घाणेण रायपुत्तो, निहओ जीहाइ सोदासो ॥ १४५ ॥ फासिन्दिएण

दिट्ठो, नट्ठो सोमालिआमहीपालो । इक्किक्केणवि निहया, किं पुण जे पंचसु पसत्ता ॥ १४६ ॥ विस-  
 यावित्को निवडइ, निरवित्को तइ दुत्तरभवोह । वेवीदीवसमागयभाउयजुयलं व भणिअ च  
 ॥ १४७ ॥ छलिया अययलन्ता, निरावयका गया अविघेणं । तम्हा पवयणसारे, निरावयक्केण  
 होअव्व ॥ १४८ ॥ विसए अवयलन्ता, पडन्ति ससारसायरे घोरे । विसएसु निराविका, तरन्ति  
 ससारकंतार ॥ १४९ ॥ ता धीर धीवलेणं, दुवन्ते वमसु इन्दिअमइन्वे । तेणुक्कयपडिवस्को, ह-  
 राहि थाराहणपडाग ॥ १५० ॥ कोहाईण विवागं, नाऊण य तेसि निगोहेण गुण । निगिणह तेण  
 सुपुरित, कसायकलिणो पयत्तेण ॥ १५१ ॥ ज अइतित्कं दुक्क, जं च सुहं उत्तमं तिलोईपं । तं जाण  
 कसायाण, बुद्धिक्कयहेउअ सव्व ॥ १५२ ॥ कोहेण नंदमाई, निहया माणेण फरसुरामाई । मायाइ  
 पडरजा, लोहेण लोहनदाई ॥ १५३ ॥ इअ उवएसामयपाणएण पल्हाइथम्मि चित्तम्मि । जाओ  
 सुनिवुओ सो, पाऊण व पाणिथ तिसिओ ॥ १५४ ॥ इच्छामो अणुसट्ठि, भंते भवपक्करणदडलट्ठि । जं  
 जह उत्त तं तह, करेमि विणओणओ भणइ ॥ १५५ ॥ जहक्कहवि असुहक्कम्मोदपण वेहम्मि सभवे

विश्रणा । अहवा तगहाईआ, परीसहा से उदीरिजा ॥ १५६ ॥ निछं महुरं पल्हायणिज्ज हि-  
अयंगमं अणलिअं च । तो सीहावेअव्वो, सो खवओ पन्नवन्तेणं ॥ १५७ ॥ संभरसु सुअणं जं तं,  
मज्झम्मि चउव्विहस्स संघस्स । वूढा महापइद्मा, अहयं आराहइस्सामि ॥ १५८ ॥ अरिहन्तसिद्ध-  
केवलपच्चखं सव्वसंघसखिस्स । पच्चखाणस्स कयस्स, भंजणं नाम को कुणइ ॥ १५९ ॥ भालुंकीए  
करुणं, खजन्तो धोरवेअणत्तोवि । आराहणं पवन्नो, झाणेण अवन्तिसुकुमालो ॥ १६० ॥ सुगिगल्ल-  
गिरिम्मि सुकोसलोवि सिद्धत्थइअओ भयवं । वग्घीए खजन्तो, पडिवन्नो उत्तमं अट्ठं ॥ १६१ ॥  
गुठे पाओवगओ, सुबंधुणा गोमए पलिविअम्मि । उज्झन्तो चाणक्को, पडिवन्नो उत्तमं अट्ठं ॥ १६२ ॥  
अवलम्बिज्जण सत्तं, तुमंपि ता धीर धीरयं कुणसु । भावेसु अ नेगुन्नं, संसारमहासमुद्दस्स ॥ १६३ ॥  
जम्मजरामरणजले, अणाईसंवसणसावयाइन्ने । जीवाण दुक्खेऊ, कट्ठं रुद्धो भवसमुद्धो ॥ १६४ ॥  
धन्नोहं जेण मए, अणोरपारम्मि भवसमुद्धम्मि । भवसयसहस्ससदुलहं, लद्धं सद्धम्मजाणमिणं ॥ १६५ ॥

१ ए. २ सु. ३ ( अत्र प्रत्यंतरे गार्थैकाधिका दृश्यते सा चैवं ) रोहीढयम्मि सत्तिहओवि कुंवेण अग्गिनिवि  
( व ) दइओ ॥ तं वेयणमहियासिय, पडिवन्नो उत्तमं अट्ठं ॥ १ ॥ ४ मं.

एयस्स पभायेणं, पाबिज्जन्तस्स सइ एयसेणं । जम्मन्तरेवि जायसिं ॥ १६६ ॥  
 चिन्तामणी अउब्बो, एअमपुब्बो अ कप्पस्सुत्ति । एअ परमो मन्तो, एअ परमामयं इत्थं ॥ १६७ ॥  
 अह मणिमन्दिरसुन्दरपुरन्ताजिणगुणनिरंजणजोओ । पंचनमुक्कारसेमं, पाणे पणओ विसजेइ ॥ १६८ ॥  
 परिणामयिसुद्धीए, सोहम्मे सुरवरो महिहीओ । आराहिज्जय जायइ, भत्तपरिअं जहअ सो ॥ १६९ ॥  
 उक्कोसेण गिहत्यो, अच्चुअकप्पम्मि जायए अमरो । निव्वाणसुह पावइ, साहू सव्वद्वसिद्धि वा ॥ १७० ॥  
 इअ जोईसरजिणवीरमदमणिआणुसारिणीमिणओ । मत्तपरिअं धम्मा, पढन्ति निसुणन्ति भावन्ति  
 ॥ १७१ ॥ सत्तरित्तय जिणाए व, गाहाए समयत्थित्तयन्नत्तं । आराहन्तो विहिणा, सासयमुक्कं ल-  
 वइ मुक्कं ॥ १७२ ॥

॥ इय भत्तपरिआपइत्थय समत्तां ॥

## ४ संधारग

काज्जण नमुक्कारं, जिणवरवसहस्स वद्धमाणस्स । संधारम्मि निवद्धं, गुणपरिवाडिं निसामेह  
 ॥ १ ॥ एस किराराहणया, एस किर मणोरहो सुविहिआणं । एस किर पच्छिमन्ते, पडागहरणं  
 सुविहिआणं ॥ २ ॥ भूर्इगहणं जह नेक्कयाणा अवमाणयं चवजाणं । मल्लाणं च पडागा, तह संधारो  
 सुविहिआणं ॥ ३ ॥ वेरुल्लिउव्व मणीणं, गोसीसं चंदणं व गंधाणं । जह व रयणेसु वईरं, तह संधारो  
 सुविहिआणं ॥ ४ ॥ पुरिसवरपुंडरीओ, अरिहा इव सव्वपुरिससीहाणं । महिलाण भगवईओ, जिणज-  
 राणीओ जयम्मि जहा ॥ ५ ॥ वंसाणं जिणवंसो, सव्वकुलाणं च सावयकुलाइं । सिद्धिगई व गईणं,  
 मुत्तिसुहं सव्वसुक्काणं ॥ ६ ॥ धम्माणं च अहिंसा, जणवयवयाणा साहुवययाइं । जिणवययणं च  
 सुईणं, सुद्धीणं दंसणं च जहा ॥ ७ ॥ कल्लाणं अब्भुदओ, देवाणं दुल्लहं तिहुअणम्मि । वत्तीसं देविन्दा,  
 जं तं ज्ञायन्ति एगमणा ॥ ८ ॥ लद्धं तु तए पयं, पंडिअमरणं तु जिणवरक्कायं । हन्तूणा कम्ममल्लं,  
 सिद्धिपडागा तुमे लद्धा ॥ ९ ॥ ज्ञाणाण परमसुक्कं, नाणाणं केवलं जहा नाणं । परिनिव्वाणं च जहा,

१ तुमे लद्धं. २ नगयाण. ३ अ. ४ अ. ५ य. ६ व. ७ व.

कमेण भणिच्चं जिणवरोहिं ॥१०॥ सव्वुत्तमलामाण, सामन्नं वेव लाभ मन्नन्ति । परमुत्तमतित्थयरो,  
 परमगई परमसिद्धंति ॥ ११ ॥ मूजं तह संजमो वा, परलोगरयाण किट्ठकम्माणं । सव्वुत्तमं पहाण,  
 सामन्न वेव मन्नन्ति ॥ १२ ॥ लेसाण सुक्कलेसा, नियमाण बंभचेरवासो अ । गुत्ती समिइगुणाण,  
 मूज तह संबमोवाओ ॥१३॥ सव्वुत्तमतित्थाणं, तित्थयरपयासिअ जहा तित्थं । अभिसेउव्व सुराण,  
 तह संधारो सुविहिआण ॥१४॥ सिअकमलकलससत्थिअनन्दावत्तवरमल्लदामाणं । तेसिपि मगलाणं,  
 सथारो मंगल अहिअ ॥ १५ ॥ तवअग्गिनियमसूरा, जिणवरनाणा विसुद्धपत्थयणा । जे निव्वहन्ति  
 पुरिसा, सथारगइन्दमारूढा ॥ १६ ॥ परमहो परमउल, परमाययणन्ति परमकप्पुत्ति । परमुत्तम-  
 तित्थयरो, परमगई परमसिद्धिन्ति ॥ १७ ॥ ता एअं तुमे लद्धं, जिणवयणामयविमूत्तिअ देहं । धम्म-  
 रयणंस्सिआ ते, पडिआ भुवणम्मि वसुहारा ॥ १८ ॥ पत्ता उत्तमपुरिसा, कल्लायपरपरा परमदिव्वा ।  
 पावयणसाहुधीरा, कय च ते अज्ज सप्पुरिसा ॥ १९ ॥ सम्मत्तनाणदसणवररयणा नायतेअसंजुत्ता ।  
 चारित्तसुद्धसीला, तिरयणमाला तुमे लद्धा ॥ २० ॥ सुविहिअगुणवित्थारं, सथारं जे लहन्ति

१ दि २ सव्वुत्तमलामाणं. २ रयणमया. रयणणिम्मिया.

सप्पुरिसा । तेसि जिअलोकसारं, रयणाहरणं कयं होइ ॥ २१ ॥ तं तित्थं तुमे लद्धं, जं पवरं सव्व-  
जीवलोगम्मि । न्हाया जत्थ सुणिवरा, निव्वाणमणुत्तरं पत्ता ॥ २२ ॥ आसवसंवरनिज्जर, तिम्विवि  
अत्था समाहिआ जत्थ । तं तित्थंति भणन्ता, सीलव्वयवद्धसोवाणा ॥ २३ ॥ भंजिअ परीसहचमू,  
उत्तमसंजमवलेण संजुत्ता । भुंजन्ति कम्मरहिआ, निव्वाणमणुत्तरं रज्जं ॥ २४ ॥ तिहुअणरज्जस-  
माहिं, पत्तोसि तुमंप्पि' समयकप्पंमि' । रज्जाभिसेयमउलं, विउलफलं लोइं विहरन्ति ॥ २५ ॥ अग्नि-  
नन्दइ मे हिअयं, तुब्भे मोक्खस्स साहणोवाओ । जं लद्धो संथारो, सुविहिअ परमत्थवित्थारो  
॥ २६ ॥ देवावि देवलोए, भुंजन्ता बहुविहाइं भोगाइं । संथारं चिन्तन्ता, आसणसयणाइं भुंचन्ति  
॥ २७ ॥ चन्दुव्व पिच्छणिज्जो, सूरु इव तेअसावि दिप्पन्तो । धणवन्तो गुणवन्तो, हिमवन्तमहन्त-  
विस्काओ ॥ २८ ॥ गुत्तीसमिइउवेओ, संजमतवनिअमजोगजुत्तमणो । समणो समाहिअमणो, दंस-  
णानाणे अणन्नमणो ॥ २९ ॥ मेरुव्व पव्वयाणं, सयंभुरमणुव्व चेव उदहीणं । चन्दो इव ताराणं, तह  
संथारो सुविहिआणं ॥ ३० ॥ भण केरिसस्स भणिओ, संथारो केरिसे' व अवागासे । उरुक्कंभिगस्स

१ हि. २ ति. ३ ए. ४ सो. ५ सुपुरिस. ६ संथारो. ७ सो.

करणो' एयं ता इच्छिम्नो नाडं ॥ ३१ ॥ हायन्ति जस्स जोगा, जरा य विविहा य हुन्ति आयंका ।  
 आरुहइ अ संधार, सुविसुद्धो तस्स संधारो ॥ ३२ ॥ जो गारवेण मणो, निच्छइ आलोअणं गुरु-  
 सगासं । आरुहइ अ संधारं, अविमुद्धो तस्स संधारो ॥ ३३ ॥ जो पुण पण्णमूओ, केरइ आलोअण  
 गुल्लगासे । आरुहइ अ संधार, सुविसुद्धो तस्स संधारो ॥ ३४ ॥ जो पुण दसणरहिओ, सिद्धिल-  
 चरित्तो केरइ सामन्नं । आरुहइ अ संधार, अविमुद्धो तस्स संधारो' ॥ ३५ ॥ जो पुण दसणसुद्धो,  
 आयचरित्तो केरइ सामन्न । आरुहइ अ संधारं, सुविसुद्धो तस्स संधारो ॥ ३६ ॥ जो रागदोसरहिओ,  
 तिगुत्तिगुत्तो तिसल्लमयरहिओ । आरुहइ अ संधारं, सुविसुद्धो तस्स संधारो ॥ ३७ ॥ तिहि गारवेहि रहि  
 ओ, तिदंढपडिमोयगो पहिअकिची । आरुहइ अ संधारं, सुविसुद्धो तस्स संधारो ॥ ३८ ॥ चउविह  
 कसायमहणो, च उहिं विकहाहिं वज्जिओ निच्चं । आरुहइ अ संधारं, सुविसुद्धो तस्स संधारो ॥ ३९ ॥  
 पंचमहन्वयकल्लिओ, पंचसु तमिईसु सुहु आउत्तो । आरुहइ अ संधारं, सुविसुद्धो तस्स संधारो

१ ख. २ आरुहइ संधारं. ३ एए गायथा श्रीगुणरत्नसरिठ्ठवविमपदपर्यापरूपवचूणो श्रीसुवन्नतुगधरिठ्ठवटीकायां  
 च ययपि न व्याख्याता तथापि मूलप्रतिस्थिता सोपयोगेत्यत्र लिखिता. ४ अतचरित्तो.



॥ ४० ॥ छक्काया पडिविरम्भो, सत्तभयद्वाणविरहिअमईओ । आरुहइ अ संधारं, सुविसुद्धो तत्स  
 संधारो ॥ ४१ ॥ अट्टमयद्वाणजडो, कम्मद्वविहस्स खवणहेउत्ति । आरुहइ अ संधारं, सुविसुद्धो तत्स  
 संधारो ॥ ४२ ॥ नववंभचेरगुत्तो, उज्जुत्तो दसविहे समणधम्मं । आरुहइ अ संधारं, सुविसुद्धो तत्स  
 संधारो ॥ ४३ ॥ जुत्तस्स उत्तमठ्ठे, मलिअकसायस्स निव्वियारस्स । भण केरिसो उलाभो, संधारगयस्स  
 समणस्स ॥ ४४ ॥ जुत्तस्स उत्तमठ्ठे, मलिअकसायस्स निव्वियारस्स । भण केरिसं च सुखं, संधार-  
 गयस्स खमंगस्स ॥ ४५ ॥ पढमिल्लुगम्मि दिवसे, संधारगयस्स जो हवइ लाभो । को दाणि तत्स सक्का,  
 काउं अंगं अणग्घस्स ॥ ४६ ॥ जो संखिज्जभवे ठिई, सव्वंपि खवेइ सो तहिं कम्मं । अणुसमयं  
 साहुपयं, साहू बुत्तो तहिं समए ॥ ४७ ॥ तणसंधारनिसंनोवि, मुणिवरो भट्टरागमयमोहो । जं पावइ  
 मुत्तिसुहं, कचो<sup>१</sup> तं चक्कवट्ठीवि ॥ ४८ ॥ निप्पुरिसनाडयम्मि वि, न सा रई तह सहर्थवित्थारे ।  
 जिणवयणम्मि विसाले, हेउसहस्सावगूढम्मि ॥ ४९ ॥ जं रागदोसमइअं, सुखं जं होइ विसयम-  
 इअं च । अणुहवइ चक्कवट्ठी, नं होइ तं वीअरागस्स ॥ ५० ॥ मा होह वासगणया, न तथ वासाणि

१. खवगस्स, समणस्स. २. अंगं काउं. ३. छिइ. ४. दु. ५. व. ६. न चक्कवट्ठीवि तं लहइ. ७. नियपुरिस. ८. स्स. ९. न वीअरागस्स तं होइ.

परिगणयन्ति । ग्रहवे गच्छ द्रुच्छा, जम्भयामरण च ते रुत्ता ॥ ५१ ॥ पञ्चावि ते पयायो, स्विप्यं  
 काहन्ति अप्रयो पत्य । जे पच्छिमम्मि काले, मरन्ति संधारमारुढा ॥ ५२ ॥ नवि कारण तणमथो,  
 सथारो नवि अ फासुथा भूमी । अप्पा खलु सथारो, हवइ विसुद्धो चरिचम्मि ॥ ५३ ॥ निधंपि  
 तस्स भावुज्जुथस्स जत्थ य जहिं व सथारो । जो होइ अहस्साथो, विहारमवुज्जुथो लूहो ॥ ५४ ॥  
 वासारत्तम्मि तेन, चित्तविचित्ताइ सुहु काऊण । हेमन्ते सथार, आरुहई सव्ववत्थासुं ॥ ५५ ॥ आसी  
 अ पोथणपुरे, अजा नामेण पुफ्फवूलत्ति । तीसे धम्मायरिथो, पैविस्सुथो अन्नियाउत्तो ॥ ५६ ॥  
 सो गगमुत्तरन्तो, सहसा उस्सारिओ अ नावाए । पडिंयन्नु उत्तमइ, तेणवि आराहिअ मरणं ॥ ५७ ॥  
 पचमहव्वयकलिआ, पचसया अजेया सुपुरिसाण । नयरम्मि कुभकारे, कइगम्मि निवेसिआ तइ-  
 आ ॥ ५८ ॥ पंचसया एगूणा, वायम्मि पराजिण्ण रुंण । जन्तम्मि पावमइणा, हुंन्ना क्खेण  
 कम्मेण ॥ ५९ ॥ निम्ममनिरहंकारा, निथयसरीरेवि अप्पदीचद्धा । तेवि तह हुज्जमाणा, पडिवन्ना

१ रुआ. २ वा. ३ गच्छन्ति. ४ हि. ५ तवो. ६ सचेण. ७ अ. वि० उ० वि० ८ ओसारिओ, उचारिओ.  
 ९ पडिवओ, १० अजिया. ११ हुआ हुआ अणुकमेण.

उत्तमं अष्टं ॥ ६० ॥ दंडुति विस्तुअजसो, पडिमादसधारओ ठिओ पडिमं ॥ जउणावके नयरे, सरे-  
 हि विद्धो सुरंगीओ ॥ ६१ ॥ जिणवयणनिच्छियमई, निअयसरीरेवि अप्पडीबद्धो । सोवि तह विज्झै-  
 माणो, पडिवन्नो उत्तमं अष्टं ॥ ६२ ॥ आसी सुकोसलरिसी, चाउम्मासस्स पारणादिवसे । ओरुहमाणो  
 अ नंगा, खइओ मायाइ वग्घीए ॥ ६३ ॥ धीधणीअबद्धकच्छो, पच्चकाणम्मि सुहु उवउत्तो । सोवि तह  
 खजमाणो, पडिवन्नो उत्तमं अष्टं ॥ ६४ ॥ उज्जेणीनयरीए, अवन्तिनामेण विस्तुओ आसी । पाओवगम-  
 निवन्नो, सुसाणमज्झम्मि एगन्ते ॥ ६५ ॥ तिन्निरयणीई चंडं, भल्लुंकी रेड्डिया विकट्टन्ती । सोवि तह  
 खजमाणो, पडिवन्नो उत्तमं अष्टं ॥ ६६ ॥ जल्लमलंपकधारी, आहारो सीलसंजमगुणाणं । आजीरणो ये  
 गीओ, कत्तिअ अज्जो सरवणम्मि ॥ ६७ ॥ रोहीडगम्मि नयरे, आहारं फासुअं गवेसन्तो । कोवेण  
 खत्तिएण य, भिन्नो सत्तिप्पहारेण ॥ ६८ ॥ एगन्तमणावाए, विच्छिन्ने थंडिले चंडेअ देहं ॥ सोवि तह  
 भिन्नदेहो, पडिवन्नो उत्तमं अष्टं ॥ ६९ ॥ पाडलिपुत्तम्मि पुरे, चन्दयगुत्तस्स चैव आसी य । ना-

१ डो. २ सुरंगीओ, सयंगीओ. ३ छिजमाणो. ४ नगे ५ आउत्तो. ६ सो तहवि. ७ मज्जेण. ८ उ. ६ तु. १० अजी.  
 ११ अगीओ १२ चयइ. १३ विज्झमाणो. १४ पुत्ते नयरे. १५ चंदयगुत्तस्समेव, चंदयपुत्तस्समेव.

मेण धम्मसीहो, चन्दसिरिं सो पयहिज्ज ॥ ७० ॥ कुहंउरम्मि पुरवरे, अह सो अबुद्धिओ ठिओ  
 धम्मे । कासी अ गिंदपठ, पच्चस्साणं विगयसोगो ॥ ७१ ॥ अह सोवि चरावेहो, तिरिअसहस्सेहिं  
 खजमाणो अ । सोनि तह खजमाणो, पडिवन्नो उत्तम अह ॥ ७२ ॥ पाडलिपुत्तम्मि पुरे, चाणक्को  
 नाम विस्सुओ आसि । सव्वगरभनियत्तो, इगिणिमरण अह निवन्नो ॥ ७३ ॥ अणुलोमपूअणाए,  
 अह सा सत्तुजओ डहइ देह । सोवि तह डज्झमाणो, पडिवन्नो उत्तम अह ॥ ७४ ॥ गुठे पाओवगओ,  
 सुबधुणा गोमए पलिवियम्मि । डज्झन्तो चाणक्को, पडिवन्नो उत्तम अह ॥ ७५ ॥ कायन्दीनयरीए,  
 राया नामेण अमयघोमुत्ति । तो सो सुअस्स रज्ज, दाउण अह चरे धम्मं ॥ ७६ ॥ आहिडिउण  
 व सुहं, सुरात्थविसारओ सुअरहस्सो । कांइदिं चेव पुरिं, अह सो पत्तो विगयसोगो ॥ ७७ ॥ नामेण  
 चंडवेगो, अह सो पडिछिन्दई तय देह । सोवि तह छिज्जमाणो, पडिवन्नो उत्तम अह ॥ ७८ ॥  
 कोसवीनयरीए, ललिअघडा नाम विस्सुआ आंसि । पाओवगमनिवन्ना, वनीसं ते सुअरहस्सा

१ कोपपरम्मि २ गदपहं. ३ इह ४ ययप्येण गाथा न मूलप्रतिसिवा तथापि श्रीहृदयनतुंगधरिऋट्टीकायां व्याख्याता  
 पूर्वोक्तार्थसंवादिनी चेत्यत्र लिखिता ५ सि. ६ इह ७ कायन्दी चेव पुरि. = अह पत्तो विगयसोगो सो. ६ सी.

॥७६॥ जलमज्झे ओगाढा, नईइ पूरेण निम्ममसरीरा । तहवि हुं जलदहमज्झे, पडिवन्ना उत्तमं अट्ठं,  
 ॥८०॥ आसी कुणालनयरे, राया नामेण वेसमण्णदासो । तस्स अमच्चो रिद्धो, भिच्छंदिद्धी पडिनि-  
 विद्धो ॥८१॥ तत्थ य सुणिवसहो गणपिडगधरो तहासि आयरिओ । नामेण उसहसेणो, सुअ-  
 सायरपरगो धीरो ॥ ८२ ॥ तस्सासी अ गणहरो, नाणासत्थेत्थगहिअपेआलो । नामेण सीहसेणो, वा-  
 षेण पराजिओ रुद्धो ॥ ८३ ॥ अह सो निराणुकम्पो, अग्गिं दाऊण सुविहियपसन्ते । सोवि तह डज्झ-  
 माणो, पडिवन्नो उत्तमं अट्ठं ॥ ८४ ॥ कुरुदत्तोवि कुमारो, सिबलिफालिव्व अग्गिणा दट्ठो । सोवि तह डज्झ-  
 माणो, पडिवन्नो उत्तमं अट्ठं ॥ ८५ ॥ आसी चिलाइपुत्तो, मुइंगलियाहिं चालणिव्व कओ । सोवि तह ख-  
 ज्जमाणो, पडिवन्नो उत्तमं अट्ठं ॥ ८६ ॥ आसी गयसुकुमालो, अइयचम्मंव कीलयसएहिं । धरणिण्यले उव्वि-  
 च्छो, तेणवि आराहिअं मरणं ॥ ८७ ॥ मंखलिणावि अरहओ, सीसा तेयस्स उवगंथा दट्ठा । तेवि तह डज्झ-  
 माणा, पडिवन्ना उत्तमं अट्ठं ॥ ८८ ॥ परिजाणई तिगुत्तो, जावजीवाइ सव्वमाहारं । संघसमवायमज्झे, सा-  
 गारं गुरुनिओगेणं ॥ ८९ ॥ अहवा समाहिहेउं, करेइ सो पाणगस्स आहारं । तो पाणगंपि पच्छा, वोसिरइ

१ य. २ कुलाण. ३ दि. ४ सुत्तत्थ. ५ वायम्मि. ६ पसुत्ते. ७ गु. ८ अ विद्धो. ९ उग्गया, अग्गिणा.

मुखी जहाकालं ॥६०॥ अह कयमंजलि पणओ भणइ—खामेमिं सव्वसंघ, सवेगं सेसगाण कुणमाणो ।  
 मणवयजोगेहिं' पुरा, कयकारियअणुमण् वावि ॥ ६१ ॥ सव्वे अवरारहपरं, पत्त खमावेमि अज्ज  
 निस्सहो । अम्मापिउणो सरिस्ता, सव्वेवि खमन्तु मंह जीवा ॥ ६२ ॥ धीरपुरिसपन्नत्तं, सप्पुरिस-  
 नित्सेविअ परमघोरं । धन्ना सिलायलगया, साहन्ती उत्तम अट्ठं ॥ ६३ ॥ नारयतिरिअगईए,  
 माणुसदेवत्तणे वसन्तेण । ज पत्त सुहदुक्क, त अणुचिन्ते अणत्तमणो ॥ ६४ ॥ नरएसु वेअणाओ,  
 अणोवमाथो असायवहुलाओ । कायनिमित्त पत्तो, अणन्तखुत्तो बहुविहाओ ॥ ६५ ॥ देवत्ते मणुअत्ते,  
 पराभिओगत्तणं उवगणं । दुक्कपरिकिलेसकरी, अणन्तखुत्तो समणुभूओ ॥ ६६ ॥ तिरिअगई  
 अणुपत्तो, भीममहावेअणा अणोयांरा । जम्मणमरणरहदे, अणन्तखुत्तो परिभमिओ ॥ ६७ ॥ सुविहिय  
 अईयकाले, अणन्तकालं तु आगयगएण । जम्मणमरणमणन्त, अणन्तखुत्तो समणुभूओ ॥ ६८ ॥  
 नत्थि भयं मरणसम, जम्मणसरित्त न विज्जए दुक्क । जम्मर(ण)मरणायक, छिन्दं ममत्तं सरिआओ ॥ ६९ ॥

१ एय गयरूपः पाठो यद्यपि मूलप्रतिपु न दृश्यते तथापि टांकायां विपमपदपर्याये च व्याख्यातः सोपयोगीति च  
 लिखितः । २ ६. ३ कायदि? ४ या. ५ अम्मापिउसारिसया. ६ मे. ७ परिणेत. = अणोअरया. ८ भूय १० छिन्दि.

अन्नं इमं सरीरं, अन्नो जीवत्ति निच्छयमईओ । दुक्खपरिकिलेसकरं, छिन्द ममत्तं सरीराओ ॥ १०० ॥  
जावन्ति केइ दुक्का, सारीरा माणसा वं संसारे । पैत्तो अणुन्तखुत्तो, कायस्स ममत्तदोसेणं ॥ १०१ ॥  
तम्हा सरीरमाई, संब्भितर वाहिरं निरवसेसं । छिन्द ममत्तं सुविहिय, जइ इच्छसि उत्तमं अँट्ठं  
॥ १०२ ॥ जगत्ताहारो संघो, सब्बो मह खमउ निरवसेसंपि । अहमवि खमामि सुँद्धो, गुणसंघाय-  
स्स संघस्स ॥ १०३ ॥ आयरिअउवज्झाए, सीसे साहम्मिए कुलगणे य । जे मे केई कसाया, सब्बे  
तिविहेण खामेमि ॥ १०४ ॥ सब्बस्स समणसंघस्स, भगवओ अंजलिं करिअ सीसे । सब्बं खमावइत्ता,  
खमामिं सब्बस्स अहयंपि ॥ १०५ ॥ सब्बस्स जीवरासिस्स, भावओ धम्मनिहिअनिअचित्तो ।  
सब्बं खमावइत्ता, अहयंपि खमामि सब्बेसि ॥ १०६ ॥ इअ खामिआइआरो, अणुत्तरं तवसमा-  
हिमारूढो । पप्फोडन्तो विहरइ, बहुभववाहाकंरं कम्मं ॥ १०७ ॥ जं बद्धमसंखिज्जाहिं, असुभभ-  
वसयसहस्सकोडीहिं । एगसमएण विहुणइ, संथारं आरुहन्तो ये ॥ १०८ ॥ इअ तँहं विहारिणो से,

१ च्छि. २ य. ३ पत्ता. ४ अ. ५ ठाणं. ६ सुदं. ७ कया. ८ अहमवि खामेमि सब्बस्स. ९ खमामि सब्बस्स अह-  
यंपि. १० कयं. ११ उ. १२ तव.

विन्यकरी वेष्टणा समुद्वेह । तीसे विजगद्वयाप, अणुसद्धिं दिन्ति निज्वया ॥ १०६ ॥ जइ ताव ते  
 मुखिवरा, आरोविअवित्थरा अपरिकम्मा । गिरिपद्मारविलग्गा, बहुसावयसकडं भीम ॥ ११० ॥  
 थिइंधणियबद्धकच्छा, अणुत्तरविहारियो समस्काया । सावयदाढगयावि हु, साहन्ती उत्तम अद्द  
 ॥ १११ ॥ किं पुण अणुगारसहायगेहि धीरेहि सगयमयेहि । न हु नित्थरिजइ इसो, सथारो उ-  
 त्तमंइम्मि ॥ ११२ ॥ उब्बट्टसरीरथरा, अन्नो जीवो सरीरमन्नति । धम्मस्स कारणे सुविहिआ सरी-  
 रंये छड्ढन्ति ॥ ११३ ॥ पोराणियपच्चुप्यन्त्रियाउ अहिआसिजण विअणाउ । कम्मकलकलबळो,  
 विहुणइ संधारमारुढो ॥ ११४ ॥ ज अन्नाणी कम्मं, खवेइ बहुआहि यासकोडीहि । त नाणी  
 तिहि गुत्तो, खवेइ उत्तासमित्तेण ॥ ११५ ॥ अद्दविहकम्ममूल, बहुपदि भवेहि अज्जिय पाव ।  
 त नाणी तिहि गुत्तो, खवेइ उत्तासमित्तेण ॥ ११६ ॥ एवं मरिजण धीरा, सथारम्मि उ गुरू पस-  
 र्यंमि । तइअभवेण व तेण व, सिज्झिज्जा खीयकम्मरया ॥ ११७ ॥ गुत्तीसमिइगुणइढो, संजमतवनि-  
 यमकरणेयकयंमउढो । सम्मत्तनाणदंसणत्तिरयणसंपावियमहग्यो ॥ ११८ ॥ सथो सइन्दयाण, सवे-

१ धीघणियम. २ उत्तम अद्द. ३ सविचं. ४ एव. ५ कारण ६ भय.



ॐ वात राध्वीय गान गदि, वगदु

वमणुयासुरम्मि लोगम्मि । दुल्लहतवोविसुद्धो, सुविसुद्धो तो महामउडो ॥११६॥ डज्झन्तेणव गिम्हे,  
कालसिलाए कवह्छिभूयाए ॥ सूरूणव चन्देणव, किरणसहस्सापयंडेण ॥१२०॥ लोगविजयं करिन्तेण,  
तेण द्वाणोवउत्तचित्तेण । परिसुद्धनाणदंसणविभूइमन्तेण चित्तेण ॥१२१॥ चन्दगविज्झं लच्छं, केव-  
लसरिसं समाउ परिहीण । उत्तमलेसाणुगओ, पडिवन्नो उत्तमं अट्ठं ॥ १२२ ॥ एवं मए अभियुआ,  
संथारगइन्दखन्धमारूढा । सुसमणनरिन्दचन्दा, सुहसंकमणं ममं दिन्तु ॥ १२३ ॥

॥ इअ संथारगपइन्नयं समत्तं ॥



१ दुल्लहतरो विसुद्धो, अविसुद्धो. २ वि. ३ कविस्म. ४ द्वाणोवओगजुत्तेण. ५ सया.

